

ՌԱՇԻԿ — XVII դ.

تاریخ راشد — «ՌԱՇԻԿԻ ՌԱՇԻԿ»

Նաչիմացից Հեառ Ռաբրիայի երրորդ պատմագիր-տարեգիրը («վահա-նյուվիս») Ռաշիկ-Սուհամմեդ-Լֆենդին Քուրբ ուլեմա և բանաստեղծներից է։ Ռաշիկը Մալաթիացի Մուստաֆա Լֆենդիի որդին է։ Սկզբում 1101 թվականից պատասխանալից է պարսկացի 1134 թ. նշանակվում է Հալեպի մեվլեվիական պաշտոնում։ 1141 թ. (1728) գեապան է եղել Բրանում։ Վերադարձից Հեառ Ստամբուլում գազիի պաշտոն է վարել, այնուհետև որոշ ժամանակով ուղարկվել է Երուսաղիմ և Երուսաղիմում Հեառ պատմությունը ստանալով, վերադարձել է Ստամբուլ։ Ավելի ուշ նշանակվել է կադ-աս-քեր Անագոլուում։ Ունի բանաստեղծությունների զիլան։ Ռաշիկի պատմությունը («Ռաբրիսի Ռաշիկ») սկսվում է 1071 թ. և հասնում մինչև 1134 թ. (1660—1721)։ Իրիս արքունական տարեգիր, Ռաշիկը իր «Պատմությունը» սկսում է Նաչիմացի վերջացրած թվականից։ Նա գրի է առնում և նկարագրում 63 տարվա գեապերի նրա «Պատմությունը» 6 հատոր է, բայց 6-րդ հատորը գրել է մի այլ պատմագիր՝ Չելեբի-Ջադեն, իրիս «Ռաշիկի Պատմության» հավելված²։

Ռաշիկի պատմությունը բնագրվում է XVII դարի երկրորդ կեսից մինչև XVIII դարի առաջին քառորդը։ Երա Փամանյան պետությունը ներքին և արտաքին պայքարությունների շրջանն էր։ Փամանյան կայսրությունն այդ շրջանումն էլ շարունակում էր իր պատերազմական գործողությունները և վրտապաշտ, բազմաթիվ պետությունների՝ Ֆրանսիայի, Ավստրիայի, Հունգարիայի, Վենետիկի, Լեհաստանի,

² Տե՛ս «Ռաբրիսի Չելեբի-Ջադեն» ներկա աշխատության հաջորդ գլուխը։

Ռուսաստանի, Սալթանի և Հոռմի պապի գեմ: Ռաշիդի «Ասամու-
թյան» մեծ մասը հատկացված է աշղ երկարատև և անվերջ պատե-
րագմական գործողությունների և նրանց հետ կապված գեղերի
մանրամասն նկարագրություններին: Պեսական ներքին կյանքում
շարունակվում են, մասնավորապես Անադոլում, խլրտուհներն
ու ենիչերիների և սիփահիների ապստամբությունները: Սուլթան
Մուրադ IV-ից հետո պահակալող օսմանյան սուլթանները բնորոշ-
վում են իրենց մեղկությունով, աղիկարությունով և աշխատածու-
թյամբ, որոնք իրենց ժամանակի մեծ մասը անց էին կացնում հարե-
մական զվարճություններով, որսորդությամբ և այլն: Պետությունը
կազմարները՝ վեզիրները, մեծ մասամբ գտնվում էին ենիչերիների
ազդեցության տակ և հաճախ նշանակվում կամ հեռացվում էին ենի-
չերիների ցանկությունով և քմահաճույքներով: Բացառություն էին
կազմում Քեոփրյուլուները՝, Քեոփրյուլու-Մուհամեդ փաշան և նրա
որդին՝ Քեոփրյուլու Զադե Ֆադլը-Ահմեդ փաշան (1066—1087),
որոնք կարողացել էին դեռի ուժով պետության մեջ ժամանակա-
վորապես որոշ հեղինակություն ձեռք բերել:

Ներքին և արտաքին խիստ կարևոր աշխարհային շարքերի մասին
պատմագիր Ռաշիդը տալիս է չոր և հաճախ ամբլորդ նկարագրու-
թյուններ և մանրամասնություններ՝ պաշտոնական նշանակումներ,
մահափճիտներ...

Ինչպես այլ թուրք պատմագիրների, այնպես էլ Ռաշիդի «պատ-
մություն» մեջ ժողովուրդը, մասսաները չեն երևում, կարծես նրանք
աշղ երկրում չեն ապրում և պատմագրի ուշադրության չեն արժանա-
նում: Ռաշիդի համար ժողովուրդը գոյություն չունի: Պատմա-
սիրը բավականանում է միայն հիշատակելով Էրեմն տեղի ու-
նեցող երկրաշարժները, հաճախակալ հրդեհները (մանավանդ
Ստամբուլում), այլ բնական աղետներն ու պատահարները:

Ռաշիդի պատմության մեջ շատ քիչ տեղ են բռնում նաև Հա-
յաստանի և հայերի հետ, առհասարակ Անդրկովկասի հետ կապ-
ված գեղերը: Նրա հինգ հատորանոց պատմության մեջ անմիջա-
կանորեն մեկ հետաքրքրող նյութերը շատ սահմանափակ են:

Մեր ձեռքի տակ եղած ու օգտագործած «Թարիխի Ռաշիդը»
տպագրվել է Ստամբուլում 1282 թ. (1865), «Պետական տպարա-
նում»:

«ՌԱՐԻՆԻ ՌԱՇԻԳ»

Պատմագիր Ռաշիդը իր պատմության I հատորում, ամբողջովին դադարում է նվրդալու 1071--1099 թթ. տեղի ունեցած պատերազմական զեպրերով. բացի սլաշտոնական նշանակումներից և այլ պետական որոշումներից Հայաստանի, հայաբնակ վայրերի և Անգլիովկասի մասին գրեթե ոչինչ չի հաղորդում: Դա մասամբ էլ բացատրվում է XVI դարի վերջի բառասոսնամյակի ընթացքում Փուրբիայի և Պարսկաստանի միջև պատերազմական գործողությունների դադարում և երկարատև խաղալություն պահպանմամբ: Թուրք-պարսկական հարարերությունների մասին խոսելիս՝ պատմագիրը բավականանում է հիշելով մի բանի զետպանությունների հանդիսավոր այցելությունները և մեծարժեք նվերների փոխանակումները: Այսպես, Բաշիդի II հատորում 1103 թ. զեպրերի շարքում հիշվում է, որ Սուլթան Ահմեդ II դահակալությունը շնորհավորելու համար, պարսկական շահը հատուկ պատգամավորություն է ուղարկում Ստամբուլ:

Աջեմի շահի կողմից պատգամավորի գալը

Աջեմի շահի կողմից [Սուլթանի] երջանիկ դահակալությունը շնորհավորելու համար Ստամբուլ է դալիս Գենջեի իշխողը՝ Քեշին-Ալի անունով պատգամավորը: Սուլթանի կողմից արված կայսերական ֆերմանով պատգամավորը ընդունվում է էդիրնեում, Սուլթանական պառլի և նամուսի համաձայն, նրան բնակարան է հասկացվում և հոգսցվում են նրա այլ կարիքները: [Պատգամավորը] մի քանի անգամ խնջույքներով և բաղմատեսակ նվերներով հարգանքի արժանանալուց հետո, Ջեմադիել-ախըր ամսի 8-րդ օրը՝ նորին վեհափառություն սուլթանի կողմից ընդունվելով՝ մատուցանում է [Սուլթանին] դրությունը և հանձնում իր հետ բերած նվերները՝ մեկ փիղ և Աջեմի երկրին հատուկ հինգ արագընթաց ձի: 45 պարսկական ուղտ, ականազարդ վահան, թուր և այլ թանկագին նվերներ:

Կայսերական նամակի հանձնումը Աջեմի պատգամավորներին Փադիշահի ներկայությամբ

Սրանից առաջ Սուլթանի դահակալությունը շնորհավորելու համար եկած Աջեմի պատգամավոր Քեշին-Ալի խանը, նորից իր նրբիրը վերադառնալու համար դիմում էր ներկայացրել: Սուլթանի կողմից Աջեմի շահի անունով գրված նամակը փադիշահի ներկայությամբ հանձնելու հնազույն սովորության համաձայն, էդիրնեում, Խուսջու գետի ափին Իերազ-Կասրի կոչված վայրում մի հյուղակ

Նկատուցեցին և նվիրական Ռամազան ամսի 13-րդ օրը [պատ-
շամալուրին] իր բնակարանից առանձին թափուրով տյգտեց լե-
րին. նա սաղրաղամի առաջնորդությունը՝ ներկայացավ Վհահախա
փաղիշահին: Նախ, նորին Վսեմություն սաղրաղամբ պատվո խա-
լաթի արժանացավ, հետո վերոհիշյալ պատգամալորին ստմույրն
մուշտակով պարզեցեցին: Բացի այդ, կայսերական դանձու-
րանից իրեն ճանապարհածախս 12500 ղուրուշ, իր մարդկանց հա-
մար 5500 ղուրուշ ընդամենը 25 հազար ղուրուշ նվեր տրվեց և
իրենց Լրկիրը վերադառնալու արտոնության համար ֆերման շնորհ-
ւեց:

(«Թարիխի Ռաշիդ», հատ. II, էջ 181—199):

Էրզրումի վալի Էսիրի-Խալիլ վաչայի սպանությունը

Սրանից առաջ Ջիվերգելենի պատերազմում քյաֆիրների ձեռքը
դերի ընկած Խալիլ փաշան, Լրի գերությունից ազատվեց, նրան՝
կայսերական ֆերմանով իրեն օժանդակություն [սղորմություն]
շնորհվեց էրզրումի էյալեթը և հանձնարարվեց, որ Աստուծո ծառա-
ների [ժողովրդի] հետ գթություն մերաբերվի: Սակայն Խալիլ փա-
շան վերոհիշյալ էյալեթի ժողովրդի բաղմաթիվ աղքատների նկատ-
մամբ բռնություն և անիրավություններ էր կատարում, որի պատ-
ճառով, նրա [փաշայի] այդ վարքից և գործողություններից դժգո-
հություն արտահայտող համարական խնդրագիր ստացվեց. [բացի
այդ] արփալըքի կարգով էրզրումի տերը հանդիսացող Նախկին
Շեյխ-ուլ-Իսլամ Գեյդուլլահ-էֆենդին նույնպես մանրամասնորեն
հաղորդել էր վերոհիշյալ վեզիրի (Խալիլ փաշայի) բռնությունների
ու անիրավությունների մասին: Նրան [վալիին] պատժելու համար
ֆերման տրվեց և մահվան դատապարտվեց:

(«Թարիխի Ռաշիդ», հատ. II, էջ 191):

* * *

Սուլթան Ահմեդ II գահակալությունը շնորհավորելու համար Աջեմի շահի
կողմից ուղարկված պատգամավորի հանդիսավոր և փառավոր ընդունելության
մասին վերևում հիշատակվեց: Հայտնի է, որ սուլթան Ահմեդ II փաղիշահությունը
շատ կարճ տևեց, միայն չորս տարի: Նրան հաջորդող սուլթան Մուստաֆա II գա-
հակալությունը շնորհավորելու համար, Պարսից շահը 1138 թ. նորից պատգամա-
վորություն է ուղարկում, որը նույնքան մեծ շուքով և հանդիսավորությամբ
ընդունվում է սուլթանի կողմից: Պատգամավորը՝ Խորասանի Նախկին իշխող

էրու-էլ-Մուսուժ խանը շահի շնորհավորական դրության հետ իրեն նվեր է բերում մի փիղ և մի բանի պարսկական ուղտեր՝ ամեն մեկի վզից մետաքսյա նիհալի* կախված, իսկ սուլթանի կողմից Աջեմի պատգամավորին և նրա մարդկանց տրվում են բազմաթիվ և ամենաթանկագին նվերներ, հատկապես շահի համար վերին աստիճանի թանկագին ոսկյա ու արծաթյա, հազվագյուտ թանկագին քարերով զարդարված իրեր: Պատմագիր Ռաշիդը այդ բոլոր մանրամասնությունները հիշելուց հետո, ավելացնում է, որ Աջեմի պատգամավորի գալու և վերադառնալու կապակցությամբ կատարված ճախքերը՝ տրված նվերների արժեքի հետ միասին, չհաշված կայսերական ախոռից տրված թանկագին զարդերով սզնված ձիերի արժեքը, հասնում էր 261 և կես բիսե*՝ ակշէ գումարի: Պատմագիրը այդ գումարի մասին տեղեկացել է պետական գանձարանին մոտ կանգնած մարդկանցից:

(«Թարիխի Ռաշիդ», հատ. II, էջ 389—390):

Պատմագիր Ռաշիդն ի միջի այլոց երբեմն հիշում է ալնպիսի պետական միջոցառումներ (հարկեր, մաքսեր և այլն), որոնք երկրի տնտեսական կյանքի մասին որոշ պատկերացում են առաջացնում: Այդպիսի միջոցառումներից է սուրճի վրա դրված հարկը:

Սուրճի վրա դրված հարկի ավելացումը

Ամեն տարի եմենից դեպի Ջիդդեի նավահանգիստը մոտ 40 հազար հակ սուրճ է դալիս, որի կեսը գնում է դեպի Նգիպտոս և նրա հարակից երկրները, 15—20 հազար հակը վաճառվում է փաղիշահական երկրի սահմաններում: Դրա [սուրճի] գործածությունը ժողովրդի այլ ծախքերի մեջ ավելի կարևոր տեղ է բռնում և սուրճի ծախքերի համար Օսմանյան պետությունից ամեն տարի շորս հազար քիսե ակշէից ավելի գումար է դուրս գնում: Ժողովրդի մեջ սրա գործածությունը ոչ մի կերպ հնարավոր չէ արգելել: Նկատի ունենալով այդ և միաժամանակ պետությունը մեծ եկամուտ ապահովելու հանդամանքները, հանգուցյալ խուղավենդիկյար-Սուլթան-Այուլեյման խանի սուլթանության ժամանակ ֆերման էր տրված՝ Ստամբուլի և նրան հարակից մաքսատներում սուրճ ներմուծողներից «Ռեսմի բիդաթ»*** վերցնելու մասին, ամեն մի օկկայի**** հա-

* Նիհալի, մետաքսից կամ ասեղնադրծված կաշվից շինված շրջանակաձև դարդ, որը կախում էին ուղտերի վզից:

**Քիսե — մեկ քիսեն (500 դուրուշ) 60,000 ակշէի համարժեք լինելով, վերահիշյալ 261,5 քիսեն հասնում է 15 միլիոն 690 հազար ակշէ գումարի:

*** Ռեսմ՝ տուրք, հարկ, բիդաթ. նորմուժություն. ռեսմի-բիդաթ՝ ներմուծության հարկ, ապօրեն հարկ:

**** Օկկա կամ դրյե — 1 կիլոգրամ 225 գրամ:

մարմնություններից՝ 8 ակշև, քաֆիրներից՝ 10 սադ (ողջ) ակշև, էղիրների քաղաքում ներմուծողներից առհասարակ 50-ական ողջ ակշև: Այս հաշվով սուրճի օկկան երկու, երկու և կես զուրուշով բարձրացել էր: Նկատի ունենալով, որ որոշ գումարի հարկի նշանակումը և գնի վրա առաջացրած տարբերությունը հնարավորություն է տալիս այդ հավելումին, հատուկ ֆերմանով որոշվեց՝ Ստամբուլում և նրան ենթակա մարսաֆեւրում, ինչպես նաև Օսմանյան պետության որոշ մարքատներում ներմուծվող սուրճից, — որոշ ապրանքների նման, — նախապես սահմանված մարքային հարկը տոնելուց հետո, մի առանձին վայրում ամեն մի օկկայից «սուրճի ներմուծություն» անունով հինգական փարա ևս առնել, վերոհիշյալ հարկը գանձելու և հավաքելու համար առանձին էմին և քարտուղար նշանակել: Քյաֆիր վաճառականներից իրենց երկրներն ուղարկած սուրճից բացի, մի շարք իսլամական քաղաքներում բերած սուրճից վերևը հիշված կարգով տուրք առնել:

(«Խարիսի Ռաշիդ», հատ. II, էջ 425—426):

1114 թվականի (1702 թ.) դեպքերից.

Վրաստանի արշավանքի առաջանալը և իսլամական զինվորների նշանակումը

Վրաստանի երկրի բնակիչներից Դադիանի, Գուրիլի և Արազայի ավազակները մի քանի տարուց ի վեր իրենց հարկերը վճարել հրաժարվելուց բացի, իսլամական որոշ սահմանների վրա հարձակումներ էին կատարում և բռնություններ դրժ դնում: Երբ այդ մասին տեղեկություն բերվեց, էրզրումի էյալեթը շնորհիվ նախապես Բարա-Դադի կողմերում նշանակված վեզիր Քեոսեջևալիլ փաշային, որը միաժամանակ Վրաստանի վրա ուղարկվելու պատրաստվող իսլամական բանակի սերասքեր նշանակվեց...

Այդ բանակի համար նշանակվում են բազմաթիվ էյալեթների և սանջակների բազմատեսակ զինվորական Պասերը, զրանց թվում նաև Վրաստանի թուրքական զինվորական մասերը:

(«Խարիսի Ռաշիդ», հատ. II, էջ 580—581)

Օսմանյան պետության մեջ տեղական արտադրությունը զարգացնելու և արտասահմանյան ներմուծումը կրճատելու նպատակով, միջոցներ են ձեռք առնվում Բրուսայում մանածագործություն հիմնելու ուղղությամբ: Այդ տեսակետից ուշագրության արժանի է Ռաշիդի հետագա հառվածը:

* Սադ ակշև — ողջ գումար, ոսկյա կամ արծաթյա փող:

Ասվի՛ (դրապ) և գործվածքների սկիզբը օսմանյան երկրում

Նորին Վսեմություն պետության ղեկավարը Սելանիկից ասվի գործող հրեաներին էզիրեն կանչելով, նրանց հայտնեց՝ «Քրիստոնյա ազգություններն ասվի գործելու համար անհրաժեշտ նյութերը օսմանյան երկրից են գնում, մինչդեռ մեր երկրում, ասվիի արտադրություն գոյություն չունի, որը կարելի է բացատրել միայն անհոգությանը: Եթե դուք կարողանաք ասվեգործությունը [մեր երկրում] կազմակերպել, ձեր վարպետներին սպասածից ավելի փվերներ ու պարգևներ կտրվեն: Սրանից հետո օտար երկրներից ասվի չգնելու համար անհրաժեշտ միջոցներ պիտի ձեռք առնվեն»: Ասվեգործություն սկսելու համար, Բրուսայից էլ մետաքս ու կերպաս գործողներ հրավիրվեցին, նրանց էլ հայտնեցին, որ մինչև հիմա օտար երկրներից ստացված զանազան տեսակի գործվածքները, սրանից հետո Բրուսայում պետք է գործել: Այս ուղղությամբ աշխատելու համար նրանց ցանկության համաձայն հրամաններ արգելեցին և կարգեր հաստատվեցին:

(«Քարիսի Ռաշիդ», հատ. II, էջ 587—588):

1115 թվականի (1703) ղեկավարից.

Վրաստանի արշավանքից վերադառնալուց հետո Լմիրների
Ռիզեում հանգստանալու մասին

Սրանից առաջ Վրաստանի վրա արշավանք սկսելու համար նշանակված լեյերը, իրենց ծառայության գործում սպասված աստիճանի հաջողություն չունենալով և ձմեռվա վրա հասնելու պատճառով, փոթորիկներից վախենալով, իրենց Ֆրեկաթաները բերին Ռիզեի նավահանգիստը և մինչև վարունս այդ նավահանգստում հանգստանալու և այդտեղ բնակվելու մասին տեղեկություն տվին:

(«Քարիսի Ռաշիդ», հատ. III, էջ 92):

Վրաստանի արշավանքի առաջանալու

Երբ Վսեմաշուր փառիշահին հայտնվեց և ղեկուցվեց, որ Վրաստանի կողմերում Աշքը-Բաշի, Դադիանի և Գուրխի վիլայեթներում բնակիչներից որոշ ավազակներ ապստամբության գործ են բարձրացրել, հիշյալ ամսի 12-րդ օրը, Տրապիզոնի վալիի և այդ կողմերի մյուս վալիների վրա սերասրեր նշանակված խալիլ փա-

շային ուղղված բարձր ֆերմանով հրամայվեց, որ ապստամբներն ձեռքում եղած լերդերը դրավելուց հետո ավերվեն և կործանվեն, Բաղդադը և Բաթում կոչված վայրերում ըստ կարիքի մի քանի լերդեր կառուցվեն և ամեն մեկում բավականաչափ լերդապահներ նշանակվեն և բնակեցվեն:

(«Թարիխի Ռաշիդ», հատ. III, էջ 130—131):

1117 թվականին (1705) Սուլթան Ահմեդ III-ի դահալալությունը շնորհավորելու համար պարսկական շահի կողմից նորից հատուկ պատգամավորություն է գալիս Ստամբուլ՝ Նախիջևանի իշխան Մյուրթազա-կուլի խանի գլխավորությամբ: Նույն հանդիսավոր և շրջապահությունը կրկնվում է, միայն այս անգամ պատմագիրը թանկարժեք և մեծագույնար նվերների մասին չի խոսում:

Սփրոպայից օսմանյան երկրի միջոցով Իրանի հետ կատարված տրանզիտային առևտրական հարաբերությունների մասին պատմագիր Ռաշիդ V հատորի, 1131 թ. (1718) գեպերի շարքում, տալիս է հետևյալ տեղեկությունը:

Աջեմի շանի մոտ պատգամավոր է ուղարկվում

Սրանից առաջ, թե կուլի և պատերազմի, թե խաղաղության և հաշտության ժամանակ, առևտրական կարգով երթևեկող պարսիկ վաճառականները Բելղրադի վրայով անցնելու արտոնություն և իրավունք չէին վայելում: Այդ պատճառով, նրանք ստիպված լինելով այլ հեռավոր վայրերով երթևեկել, շատ մեծ ծախսերի և բազմաթիվ դժվարությունների էին ենթարկվում: Բացի այդ, ճանապարհին ոչնչանում էին ապրանքները, մարդկային կորուստներ տալիս և վաստակ ձեռք բերելու փոխարեն վնասներ էին կրում: Այդ պատճառով, շատերը [վաճառականները], այդ աստիճան մեծ վտանգների չէին ուզում ենթարկվել, որի հետևանքով պարսիկ վաճառականները շատ հազվագյուտ էին երթևեկում դեպի նեմեցների երկիրը [Ավստրիա]. հետևաբար, երկիրը զրկվում էր վաճառականների կանոնավոր երթևեկությունից, ստացված օգուտներից և պարսկական ապրանքների մեծ սուղ [կարիք] էր զգացվում: Նախորդ տարում, Փոթարոֆչա* [Փասսարոֆչա] կոչված վայրում տեղի ունեցող հաշտության պայմանների վերաբերյալ բանակցության ժամանակ նույնիսկ առաջարկված էր վերոհիշյալ հոգվածը: Աջեմի շահի, նեմեցների կայսրի [չառար] և Օսմանյան սելտության միջև գոյություն ունեցող վեճերն ու թշնամությունը վերանալուց հետո,

* Փասսարոֆչայի հաշտության պայմանագիրը կնքվել է Թուրքիայի և Ավստրիայի միջև 1130 թ. (1717):

նկատի առնելով, որ Լեւոնի վաճառականների՝ դեպի նեմեցներ, երկիրը գնալու ամենակարճ, աստիճան և հարմար ճանապարհը Բելգրադով անցնող ճանապարհն է և Օսմանյան պետության համար այդ հանգամանքը ոչ մի անհարմարություն չի ներկայացնում, ինչպես նաև այն, որ Լեւոնի վաճառականների աստիճանների վրա դրվող մաքսային տուրքերից Օսմանյան պետությունը մեծ եկամուտ և օգուտ ձեռք կրերի, և որ այդ իրավունքի տրվելը ոչ մի կերպ չի կարող անպատեհություններ առաջացնել, այս կերպով հաշտության պայմանագիրը բարենպաստ կերպով վերջացել էր: Հետագայում վերոհիշյալ հոդվածը կյանքում իրականացնելու և դրա հետ կապված այլ պայմանները ստուգելու նպատակով Իրանի երկրից [կառավարությունից], հարկերի այժմյան հաշվապետը՝ Դերի Էֆենդին պատգամավոր նշանակվեց ու վերոհիշյալ հոդվածի մասին հատուկ փառիշտահական գրություն հանձնվեց նրան, ինչպես նաև բերանացի հանձնարարվեց, որ այդ մասին տեղեկություններ ձեռք բերի:

(«Բարիսի Ռաշիդ», հատ. V, էջ 163—164):

1134 թ. (1721) Դերի-Մուհամեդ Էֆենդին Իրանից վերադառնում է Ստամբուլ և Իրանի շահի հետ իր ունեցած բանակցությունների մասին խիստ բնորոշ ձևով զրավոր գրություն է ներկայացնում Սուլթանին: Այդ «գրությունը», որը Ռաշիդի պատմության մեջ բռնում է մոտ 30 էջ (արաբական տառերով), գրությունից առաջ, խիստ մանրամասն օրագրություն և նկարագրություն է, որի մեջ պատգամավոր Մուհամեդ — Դերի Էֆենդին ավելորդ մանրամասնություններով նկարագրում է Իրանում իր ճանապարհորդությունը, Իրանի վեզիրների և շահի բնորոշությունները, իրենց բոլոր խոսակցությունները, խնջույքները և այլն:

Այդ գրությունից մենք քաղվածաբար կտանք մի քանի կետեր, որոնք որոշ նշանակություն ունեն Թուրքիայի և Պարսկաստանի այդ շրջանի քաղաքական և տնտեսական հարաբերությունների պարզաբանման և բնորոշման տեսակետից:

Նրբ Դերի Էֆենդին տեսակցություն է ունենում Իրանի Մեծ-վեզիր Իթիմատ-ուլ-Դեվլեի հետ, այս վեզիրը հասկացնում է, թե Նրևանի խանի տված տեղեկություններից պարզվում է, որ թուրքերը պատրաստվում են Իրանի վրա հարձակվելու և սահմանամերձ վայրերը գրավելու... Դերի Էֆենդին պատասխանում է՝ «...Իրախտաբնակ հանգուցյալ Ղազի Սուլթան Մուրադ խանի կայսերական դաշնագրից սկսած մինչև հիմա, լրիվ ճշտարված ընթացքում զահակալած 7 փառիշտահներից ոչ մեկը հաշտությանն ու խաղաղությանն հակառակ՝ ձեզ վրա հարձակվելու ոչ մի վստ զիտավերություն չի ունեցել: Ինչպիսի իմաստուն և կատարյալ, կրոնասեր, առաքինի և հեռատես Սուլթան, ինչպիսին է Սուլթան Ահմեդը, որն իր կայսերական բնավորության բերումով ձգտում է ասպնովել երկու կողմերի հանգստությունն ու ազգաբնակչության, խեղճերի բարօրությունը, ռայասեր և աշխարհի ապավեն փառիշտալը կարող է մի այդպիսի ստոր բայ կատարել...»:

Պատգամավորությունը շահի կողմից ընդունվում է միայն 16-րդ օրը, պարսկական արքունիքին հատուկ շուրով և արարողություններով: Պատգամավոր Դերի Լֆենդին սուլթանի դրությունը մատուցում է շահին: Մի շարափ հետո նորից Մեծ-վեդիքի հետ տեսակցություն է տեղի ունենում, երբ Դերի Լֆենդին ներկայացնում է օսմանյան Մեծ վեդիքի նամակը: Նրկաբոյ անգամ շահը պատգամավորին ընդունելով հայտնում է, որ սուլթանի կողմից ուղարկված դրություն բովանդակության համաձայն նա ֆերմաններ է տվել իր երկրին:

Պատգամավոր Դերի Լֆենդին խիստ մեծ մանրամասնություններով տալիս է Երանի շահի հարցերը Օսմանյան սուլթանի գոբեների, դրադումների և առհասարակ նրա ապրելակերպի մասին: Շահի այդ հարցերին պատգամավորը պատասխանում է ներկայացնելով սուլթանին՝ իբրև «պետական մեծ ղեկավար», «գիտության և արվեստի սիրահար», «օրինասեր և կրոնասեր» մի անձնավորության:

Մի ուրիշ անգամ, Դերի Լֆենդին նորից է ընդունվում շահի կողմից: Այդ ընդունելության ժամանակ, Պարսկաստանի խաներից մի քանիսին էլ մեծ հանդիսավորությամբ խալաթներ են հագցնում և աստիճաններ տալիս: «Արևելքի և հյուսիսի միջև գտնվող Դադաստանի մուսուլման և բյաֆիր ժողովուրդների 94 ցեղերից ամեն տարի, ամեն ցեղից մի պատգամավոր է գալիս, նրանցից ամեն մեկը երկու հատ զատան մորթի և երկու հատ յուֆու (սաֆիոն) է բերում և ստանում իրենց հատկացված ոռճիկը (սալյանե) ու գնում»:

«Այդ ընդունելությունը, ասում է Դերի Լֆենդին, գուցադիպում է իր ընդունելության օրվան: «Այդ 94 տարբերակ մարդիկ իրենց արտակարգ հազուստներով և նվերներով (փեշքեշ), ծիծաղելի և տարօրինակ շարժ ու ձևով եկան և աչնակա, ինչպես բյաֆիրները կուռքերին են երկրագլուխ, շահի առաջ երկրպագելին և թողնելով իրենց նվերները՝ գնացին: Մի երկու օգրեկ և մոսկով (ոռու) պատգամավորներ էլ կային: Սրանք էլ այդ ընդունելությանը մասնակցեցին, բայց առանց շահին մոտենալու, հեռվից գետինը համբուրեցին և իրենց թղթերը ստանալով գնացին: Հաշի հետ շահն ինձ իմ մոտ հրավիրեց և ասաց «Քո տեսածները մեր ուսանելից են, շատ ազրատ դրություն մեջ լինելով, մեր պապերից Շահ-Աբրահամը նրանց վրա գթալով, տարեկան որոշ գումար ոռճիկ է հատկացրել: Նրանք ամեն տարի գալով հայտնում են իրենց հպատակությունը, մենք տալիս ենք հատկացված սալյանեն ու ծանոթանում նրանց վիճակի հետ: Հետո ես ստույգ տեղեկություն ստացա, որ սրանք թալարների նման մի ժողովուրդ են, մինչև Շահ-Աբրահամի ժամանակ, թալարների նման, մշտապես արշավանքներ էին կազմակերպում և կողոպտում երկիրը, թալանում շրջակայքում եղած գյուղերն ու ավանները, մեծ քանակությամբ ապրանք ու գների ստանում: Շահ-Աբրահամի գահակալության ժամանակ, բարեկամության անվան տակ, սրանք հպատակված են և ամեն մի ցեղին [աշիրեթ] որոշ գումար ոռճիկ է հատկացված: Նրանք գալիս են շահի արքունական Դիվանում խալաթներ հագնում: Նրանք խոստումներ են տվել Երկրի ու ուսանելի նկատմամբ ոչ մի կերպ բռնություններ չկատարել...»:

Դերի Լֆենդին այլ նկարագրություններից ուշադրության արժանի է Պարսկաստանի մասին արված տեղեկությունները: «...Սրանց երկիրը, որը 60 կոնար երկարություն և 50 կոնար լայնություն ունի, խիստ բարեշեն և հարուստ է. ամեն մի գյուղ ունի 300, 500 և 1000 տուն: Նրանք ունեն բազմաթիվներ և ամեն մի երկու-երեք գյուղից հետո շուկա և բազար կա, իսկ երկու-երեք ավանից և գյուղաքաղաքից (կասարա) հետո՝ մի մեծ բազար: Թե բազարներում, թե գյուղաքաղաք-

ներում ու գյուղերում մեծ թվով վաճառականներ կան: Սակայն երկրագործ ոտնա-
 պարները քիչ են, այդ պատճառով էլ ցորենը, գարին և առհասարակ սննդամթեր-
 քները չեն բավականացնում և մեր երկրի համեմատությամբ երկու անգամ թանկ
 են վաճառվում: Սակայն հագուստեղենը համեմատաբար ավելի էժան է: Ժողո-
 վրդի մեծ մասը կարգավիճակի տեղ է, ազրատները քիչ են: Նրանց հագած հա-
 գուստները երկրի աղաղակն ազդանքներից են, այնպես որ հագուստեղենի մասին
 նրանք այլ երկրների դիմելու կարիք չունեն: Բրդեղենը (շալ) առատ է, ինչպես
 նաև ֆրանսիական կոշտ կերպասը, բայց այդպիսիք գործածողները հազվագյուտ
 են: Տան կահավորանքը նույնպես ամբողջովին իրենց արտագրություներին է
 կմրողը երկրում միայն երեք բերդ կա, մեկը Հնդկաստանի սահմանի վրա՝ Փան-
 գահարը՝ Միր-Ավիսի հայրենիքը, մյուսը Աթաուրիսանի կողմն է, իսկ երրորդը
 Էրզրումի մոտ, Երևանի բերդն է: Ընացած վիճակները, Սկյուդարի նման, բոլորը
 բաց են: Բերդերից բացի, սովորական քաղաքներում և գյուղաքաղաքներում թրև-
 դանթները խիստ հազվագյուտ են և առհասարակ թնդանոթի և նման ռազմա-
 կան զենքերին ուղարկվելու չեն նվիրում: Սակայն աղեղաձգության և հրադա-
 ռաձգության արհեստում վարպետ են և նրանց գինվորներն այդ երկուսին էլ մեծ
 սեր ունեն: Վերոհիշյալ Միր-Ավիսը 1118 թ., դուրս գալով Փանգահարի շրջանից,
 Գյուրջի-Արզուլաս խանի ձեռքից Գանգահարը մի կերպ խլելով ու գրավելով,
 քաղաք մտավ և այնտեղ գահակալեց ու մի քանի կոնար տարածության վրա քա-
 դարի շրջակայքը գրավեց և այս կերպով շահի գեմ ապստամբեց: Միր-Ավիսին
 պատժելու և նրա նվաճումները ոչնչացնելու համար շահի կողմից ուղարկված
 կրքրլըաշական բանակը պարտության մատնվեց և ջարդվեց: Վեց տարվա ընթաց-
 քում Միր-Ավիսը այս կերպով իշխանություն վարեց, իր անունով փող կտրեց և
 խոթքե2 կարգով տվեց ...վեց տարի հետո Միր-Ավիսը մահացավ և նրան հաջոր-
 դեց իր եղբայրը, որը սակայն պետական անձնավորություն չլինելով, գա-
 հագուրկ եղավ և վեց ամիս հետո Միր-Ավիսի որդին Միր-Մուհամմեդը իշխանու-
 թյան գլուխն անցավ և մինչև հիմա իր հոր նման կրքրլըաշների հետ ամեն
 տարի կովի և պատերազմի մեջ լինելով, Գանգահարեց մոտ 20 կոնար գեղի այս
 կողմը հասնում և Մեշհեդի և Քերմանի կողմերը արշավանքներ է կատարում:
 Սրանք իսկական ազնվական ցեղից են, բայց այժմները նրանց «բուրուջ» են
 անվանում: Իսլամական կրոնին են պատկանում, բնդհանրապես նամազը հավա-
 րական կերպով են կատարում: Նրանց գինվորների ձիերը և ջորիները քիչ են,
 2—3 մարդ մի ուղախ վրա են հեծնում, ոչխարի աղիքները ջրով լեցնում, իրեն
 դոռի մեջքերից կապում, ծառավելիս աղիքի ծայրը բաց անում, ջուրը խմում են
 և հետո նորից մեջքերից կապում ...Սրանք օգրեկ խաների հետ բարեկամություն
 են ստեղծել, որոնք նմանապես կրքրլըաշների վրա արշավանքներ կազմակերպե-
 լով, գրավել են մի շարք քաղաքներ ...Մեր դուրս գալու ժամանակ, Մեշհեդի
 ընակչությունից դիմում էր ստացված, որով նրանք հայտնում էին՝ «Եթե մեզ
 պաշտպանեք, վիճակներ նրանց կհանձնենք»: Արևելքի և հյուսիսի միջև գտնվող
 Դաղստանի և Դերբենդի շրջանները, որտեղ լեզգի ցեղերն են ապրում և որոնք
 խաղաղական կրոնին են պատկանում, մոտ են Աջեմի Ծիրվան, Շաքախի, Գենջե,
 Ղարաբաղ շրջաններին: Այդ վայրերում ներկայումս փողը և խոթքեն Ալ-Օսմանի
 փողիշահների անունով է: Այդ շրջաններում ապրում են մի շարք աշխրեթներ և
 ցեղեր, նրանց բաշբուղները, Իրաշիմ Սուլթանը և Հաջի-Դավուդ բեյը, վերջին
 ժամանակները, մի քանի տարի է, որ հարձակվում են կրքրլըաշների գյուղերի,

բաղաժների վրա և կողոպտում, ավերում: Այս նվիրական տարում գրավեցին սահմանի վրա գտնվող Շամախի բաղարը, որը Իրանի պարծանքն էր, արշավեցին Ֆենջեի վրա ... Աջեմների երկրում սյուննի դավանանքին պատկանող իսլամների թիվը խիստ մեծ է, բոլոր բաղարներում և գյուղաբաղարներում նրանք մեծ թիվ են կազմում, սակայն վախենալով չեն ցույց տալիս: Եւ Հետո Դերի Աջեմներն նկարագրում է այն տար և սրտաուշ ընդունելությունը, որը ցույց են ավել անգ լրջանների սյունները օսմանյան պատգամավորությունը:

Եր զեկուցման վերջում Դերի Աջեմները գրում է՝ «...Արջապես ներկայումս Աջեմի երկրի գրեթե մեկ երրորդը մուսուլմաններ են, մասնավորապես Շիրվանի, Շամախի, Ֆենջեի և Ղարաբաղի շրջանները, բոլորը սյուններ են, հազիվ մեկ հինգերորդը՝ կըզըլբաշները: Կըզըլբաշների երկիրը ընդհանրապես բարեշեն է և լավ կառուցված, ավերակները շատ քիչ են: Եւ գաղտնի և բացահայտ կերպով նրանց վիճակը ուսումնասիրեցի, — երկիրը շատ բարեշեն է, սակայն պետական ղեկավարներ չկան, կարծես թե պետական ղեկավարների սով է այդ երկրում: Այդ կողմից նրանց օրենքներն ու կարգերը խախտված են, շրջապատից նրանց վրա հարձակվում են, պաշտպանվելու կարողություն չունեն, իրենց հավաքած զինվորները փախչում ու ցրվում են: Սակայն եթե պետություն ղեկավարներին խոսեցնեմ, մեծախոսությունից, չեն հրաժարվում, ասում են Միր-Ավիսի որդին մեր ռայաներից է, սակայն մեր շահի հետ որոշ վեճեր ունի, անտարակույս շուտով շահի առաջ գլուխ կխոնարհի, իսկ շահը նրա մեկերերին թողություն կտա... Բայց իրականում: թյան մեջ այդպես չէ, նա [Միր-Ավիսի որդին] Աջեմների ուժեղ թշնամին է: Արշավանքի գնացող սերասերներն ինչպե՞ս հուսահատած և անտարբեր կերպով են գնում, նրանց երեսը բնավ չի ժպտում, բոլորը համակարծիք են, որ Շեյխի որդու, այսինքն շահի բախտը շրջվել և իշխանությունը վերջացել է: Այս մասին նրանք բացահայտ կերպով խոսում են...»:

(«Թարիխի Ռաշիդ», հատ. V, էջ 372—394):

Պատմագիր Ռաշիդը նույնպիսի ավելորդ մանրամասնությամբ տալիս է Աջեմի շահի կողմից ուղարկված պատգամավոր Մյուրթեզա-Կուլի-խանի Ստամբուլ գալը, սուլթանի կողմից մի քանի անգամ խիստ հանդիսավոր ընդունելությունը, խրեջույքները, խոսակցությունը և այլն: Կարծես Պարսկաստանի և Թուրքիայի արքունիքները մրցում էին ճոխության, փառքի և շրեկությունների ցուցադրության գործում:

Պատմագիր Ռաշիդը անձամբ մասնակցել և ներկա է գտնվել այդ պալատական արարողություններին և այդ պատճառով էլ զրանք նկարագրում է ամեն նամանրամասն կերպով:

Սուլթան Ահմեդը շահին ուղարկած իր նամակում նորից կրկնում է առևտրական կապերի և կրոնական-դավանական մի քանի խնդիրների վերաբերյալ Թուրքիայի համաձայնությունը և բարենպաստ վերաբերմունքը: Պատմագիրը հայտնում է, որ Աջեմի բազմաթիվ թանկարժեք նվերներից բացի, դեսպանին առանձնապես 36 թիսե, նրա բեթխուղային 6 թիսե, այսինքն՝ ընդամենը 42 թիսե ակշե է արվում իբրեւ «ճանապարհածախս»:

(«Թարիխի Ռաշիդ», հատ. V, էջ 399—423):